

儀禮識誤

御製題武英殿聚珍版十韻

有序

校輯永樂大典內之散簡零編並蒐訪天下遺籍不
下萬餘種彙爲四庫全書擇人所罕覩有裨世道入
心及足資考鏡者剞劂流傳嘉惠來學第種類多則
付雕非易董武英殿事金簡以活字法爲請旣不濫
費棗梨又不久淹歲月用力省而程功速至簡且捷
考昔沈括筆談記宋慶曆中有畢昇爲活版以膠泥
燒成而陸深金臺紀聞則云毘陵人初用鉛字視版
印尤巧便斯皆活版之權輿顧埏泥體麤鎔鉛質輕

俱不及鈔木之工緻茲刻單字計二十五萬餘雖數
百十種之書悉可取給而校讐之精今更有勝於古
所云者第活字版之名不雅馴因以聚珍名之而系
以詩

稽古搜四庫於今突五車開鑄思壽世積版或充闕張

帖唐院集周文梁代餘同為製活字用以印全書精越

鵝冠體昨歲江南所進之書有鵝冠子即富過鄴架儲

機圓省雕氏功倍謝鈔胥聯腋事堪例涎泥法似疎毀

銅昔悔彼康熙年間編纂古今圖書集成刻銅字為活

被竊缺少司事者懼于咎適值乾隆初年京師錢貴遂
請毀銅字供鑄從之所得有限而所耗甚多已為非計
且使銅字尚存則今之印書
不更事半功倍乎深為惜之刊木此慙予既復羨黎棗
還教慎魯魚成編示來學嘉惠志符初

乾隆甲午仲夏

儀禮識誤序

儀禮未知孰作或曰周公作之也孔子孟子有學禮之言禮記有讀禮之文當是時固已有簡牘之傳矣決非秦漢閒筆也其制度必出于聖人若曰周公作之則非淳之所知也漢時言經則離記言記則離經今記附經之後者又誰也出于孔氏之宅壁者曰禮記河閒獻王之得先秦古書者曰禮記夫禮者今之儀禮記者今儀禮之記時未有儀禮之名也豈漢後學者覩十七篇中有儀有禮遂合而名之歟秦暴焚書禮之見于漢者猶

有古經五十六卷經七十篇記百三十一篇漢之君臣特不好不尙而已至宣成世大小戴劉向所錄止十七篇十蓋逸其七八孰謂不好不尙之禍乃甚于秦之焚之也魯人高堂生傳士禮十七篇其篇數與今儀禮同陸德明賈公彥皆以爲今儀禮攷之西漢藝文志高堂生之禮后倉最明倉以傳大小戴古經者出魯淹中多天子諸侯卿大夫制愈于倉等推士禮以致天子夫如是則高堂生所傳特士禮爾今儀禮中所謂士禮有冠昏相見喪旣夕虞特性饋食七篇他皆天子諸侯卿大

夫禮必非高堂生所傳者不知賈陸二子何據而云爾漢數六經禮樂與焉厥後樂書亡矣有儀禮在亦復不取周禮古矣然聖人設官分職之書也至其所以長以治者豈能舍儀禮禮記古矣然皆釋儀禮之義若祭義冠義昏義鄉飲酒義射義燕義聘義是也豈得而先儀禮班固之論曰六經之道同歸禮樂之用爲急固之言必有得于先生長者之緒餘而非臆度也古者聖王重禮以之修身以之齊家以之治國以之平天下以之豐財裕民以之強兵禦侮厥後狃于淫靡驕倨苟且之

習不惟緩其所急亦既廢之成德致治之具廢而望學士大夫有日可見之行如三代國之安富尊榮如三代所以難也鄭康成收拾于大小戴及劉向別錄中參以今古之文定爲之注其書已不純古矣陸德明因劉范二家之音作爲釋文劉之本如以時爲昔以糟爲漕以洗爲淬以疆爲疆以御爲衙與德明本異矣德明之本尙非劉本其可謂純鄭乎至賈公彥所據作疏之本又德明所謂亦作又作或作之本也公彥論鄉飲酒執觶興洗北面之句云俗本有盥字

按興洗永樂大典原本作興所今據經文改正

然則今之本又公彥所謂俗本也此書之傳如是而已歲久而文益訛既訛而莫之訂禮之又失其誰尤乎乾道七年春今兩浙轉運判官直祕閣曾公來守是邦承涓歎之餘究心于理務廣上恩其効績之著至于風雨時痛疫息越明年夏欲植教本肇製儀禮孔子曰禮儀三百威儀三千待其人而後行公豈其人也淳初與謝黔論學曰論語曰子所雅言詩書執禮又曰興於詩立於禮又曰學詩學禮學其在是乎相與取詩禮歸而誦之數年黔皆終卷且萃其說淳敏不類未能半也而成

歲之漂黔不克免淳愴孤陋其學旋廢按成歲之漂未詳其義據上言謂謝默終年漂流頃櫻私喪閱喪祭之禮以省所忘憤憤莫能再讀公以淳嘗識此書也命之校之淳亦幸此書之且有善版也遽拜不辭此書初刊于周廣順之三年復校于顯德之六年本朝因之所謂監本者也而後在京則有巾箱本在杭則有細字本渡江以來嚴人取巾箱本刻之雖咸有得失視後來者爲善此皆淳之所見者也淳首得嚴本故以爲據參以羣本不足則質之疏質之釋文疏釋文又不足則闕之蓋不敢以謾見

斷古經也監本者天下後世之所祖巾箱者嚴本之所祖故其有誤則亦辨之餘則采其所長而已旣畢哀其所校之字次爲二卷以釋文誤字爲一卷附其後總三卷題曰儀禮識誤豈獨以識儀禮之誤亦以自識其誤也

覲禮誤字

喪服誤字

士喪禮誤字

既夕禮誤字

士虞禮誤字

特牲饋食禮誤字

少牢饋食禮誤字

有司徹誤字

卷三

釋文誤字

臣等謹案儀禮識誤三卷宋張淳撰淳字忠甫永嘉人乾道八年兩浙轉運判官直秘閣曾逮刊儀禮鄭氏注十七卷陸氏釋文一卷淳為之校定因

舉所改字別為是書其引據有周廣順三年及顯德六年刊行之監本有汴京之中箱本杭之細字本嚴之重刊巾箱本參以釋文疏覈訂異同最為詳核近世久無傳本故朱彝尊經義攷以為已佚惟承樂大典所載諸條猶與諸家解說散附經文之後尚可綴錄成編其鄉射大射二篇適在承樂大典缺卷之中則不可復攷矣朱子語類有曰儀禮人所罕讀難得善本而鄭注賈疏之外先儒舊說多不復見陸氏釋文亦甚疎略近世永嘉張淳

忠甫校定印本又爲一書以識其誤號爲精密然亦不能無舛謬又曰張忠甫所校儀禮甚仔細校他本爲最勝其見稱于朱子如是今觀其書株守釋文往往以習俗相沿之字轉改六書正體則朱子所謂不能無舛謬者誠所未免然是書存而古經漢注之訛文脫句藉以攷識宋槧諸本之不傳于今者亦藉以存其崖略其有功于儀禮誠匪淺小今謹加案語正其得失俾瑜瑕不相掩其原本殘缺數處亦攷訂補緝各附于下方是書宋史藝

文志作一卷而陳振孫書錄解題文獻通攷咸作三卷攷淳自序言哀所校之字次爲二卷以釋文誤字爲一卷附其後總爲三卷則宋志一卷爲傳寫之誤明矣乾隆四十年二月恭校上

總纂官侍讀_臣 紀 昀

侍讀_臣 陸錫熊

纂修官進士_臣 戴 震

儀禮識誤卷一

宋

張

淳

士冠禮誤字

眠○注曰天子與其臣元冕以視朔皮弁以日視朝諸

侯與其臣皮弁以視朔朝服以日視朝按釋文云眠

音視本或作視下同陸既音視正文非視字明矣其

後篡音纂而今文作纂遁音巡而今文作巡妃音配

而今文作配筭音策而今文作策道音導而今文作

導版音板而今文作板俛音夷而今文作夷辟音壁



長豐成具

卷一

一

而今文作壁枋音柄而今文作柄若此者皆後人牽
意改之爾禮記玉藻從視周禮從眡雖視眡義同亦
各從其初所用字可也從釋文

撤○經曰徹筮席注曰徹去也按釋文寫注作撤注舉

經以釋之注字必與經同宜皆作撤從釋文按說文無撤字

徹通徹去古皆用徹如篇題有司徹未聞有作撤者

也撤乃後代俗書張氏不能訂正其非轉改徹以從

染○注曰凡染絳一入謂之縵再入謂之頰三入謂之

纁朱則四入歟按釋文云再染如琰反下二字同蓋

以再入三入四入之入皆染字也爾雅有再染三染

之文此鄭氏用染字之據也若染絳之染則去聲也

從釋文

也○注曰易曰夫元黃者天地之雜色鄭氏正引易文

不必改也為色也字近色傳寫者誤爾從易

叟○注曰足以韜髮而結之矣按釋文云叟土刀反又

士昏禮注之縮髮釋文亦云他刀反本又作叟以三

音攷之其字不為叟則為縮今之為韜未知孰據從

釋文按說文有韜無縮縮卽韜之別體耳叟本訓滑與韜同音故韜亦借用叟張氏淳字學未有

見轉以作韜
為非疎矣

以。注曰謂此上凡六物按釋文云以上從釋文

為簞。注曰匱作纂按釋文云為簞素管反劉音纂纂
字既誤作字必非竝從釋文

為檐。注曰坵作檐按釋文云為檐以占反廣韻云檐
與簷同屋檐也坵謂之坵故或為檐今從檐非也檐
字既誤作字必非竝從釋文

捷。注曰扱柶于醴中按釋文云捷初洽反本又作插
亦作扱其後鄉射之注曰扱插也插于帶右大射之

注曰扱扱也士喪禮之注曰扱插也插于帶之右旁
釋文皆作捷由是觀之釋文之前捷字猶在釋文之
後始盡變而為插扱爾竝從釋文

贊。經曰奠摯見于君遂以摯見于鄉大夫鄉先生注
曰摯雉也按釋文云贊本又作摯音至雖贊摯皆有
據陸德明所釋之本必從貝也從釋文

泣。經曰吾子將蒞之注曰蒞臨也按釋文云蒞音利
一音類其後喪禮經曰蒞卜特牲饋食經曰吾子將
蒞之皆用蒞字從釋文

士昏禮誤字

廟。經曰至于廟門詳攻儀禮。廟字冠禮經之。廟四注之。廟九皆從苗。既夕禮經之。廟五注之。廟如冠禮之注。皆從朝。士虞禮經之。廟如既夕禮之經注之。廟十有三皆從苗。特牲饋食禮經之。廟五皆從苗。少牢饋食禮經之。廟六注之。廟四皆從苗。至于士昏禮經之。廟七。按此處有脫誤。據士昏禮經文。併注當云。經之廟五注之。廟七。從苗者九。餘從朝。聘禮經之。廟五皆從朝。注之。廟二十有八。從苗者十有三。從朝者十有五。公食大夫禮經之。廟一。從朝

注之。廟四。從苗者一。從朝者三。覲禮經之。廟一。從苗注之。廟四。監本則苗朝皆二。巾箱嚴本則一。苗三。朝喪服經之。廟二。注之。廟七。皆從朝。士喪禮經之。廟二。監本皆從苗。巾箱嚴本則一。苗一朝。注之。廟四。監本則苗三。巾箱嚴本則朝三。有司經之。廟七。皆苗注之。廟二。皆朝。按釋文。士冠禮云。廟劉昌宗音廟。按。廟古廟字。引此證經。經不當復有從朝者。第十六卷。少牢饋食禮之注。引春秋禘于大廟。鄭氏亦寫從苗。引此證注。注亦不當復有從朝者。冠禮一卷。經注皆一。自

昏禮而下稍稍從朝是蓋後之傳抄校勘者失于不審而已近歲湖北漕司所刻本字皆從朝不審之失可驗矣今悉改作庶從釋文

遁。注曰辟遂巡按釋文云遂遁音旬鄭氏于儀禮用遁。遁字凡十有一釋辟者八釋退者三此與士相見禮皆釋辟者也今本乃作巡至開寶釋文之本又獨于此作巡未知孰據儀禮用字固未嘗同今諸釋文之本既皆作遁且遁有退逃意從諸本釋文

拊授。注曰出房南面待主人迎受按釋文云拊授吾

故反旣夕禮曰若無器則拊授之注曰謂對相授玉篇曰拊受也從旣夕禮拊對之說謂待主人之來對而授之也從玉篇拊受之說謂待主人之受其所授也二說皆通必改爲迎受以變舊何也從釋文

鼎。經曰綌冪加勺按釋文冪作鼎後撤尊冪鄉飲酒

鄉射尊綌冪同從釋文按周禮冪人掌其巾冪祭祀

冪六彝可證儀禮中凡尊冪皆當作冪明矣說文頓或訛作冪又作冪皆非五經文字云冪與冪同蓋因釋文二字潤淆遂誤合爲一張氏淳據釋文改尊冪從鼎冪之冪于字學殊少精覈

衣。注曰女從者畢袵元則此亦元矣按疏此下有衣字從疏

刺。注曰刺黼以為領按釋文云刺黼七亦反劉音刺

史之刺五經文字云作刺訛豈其未見鄭之注劉陸

之釋文歟從釋文按說文無刺字刺即刺之俗體五經文字云作刺訛是也此引而辨

之又改是從非疎矣

御。注曰以為行道禦塵按釋文云御塵魚呂反既夕

禮注御土御濕皆作御從釋文

布。經曰媵布席于奧按釋文云媵席中無布字從釋

文

札。經曰匕者逆退按釋文云札必履反劉云匕器名

札者札載也陸之詳論之所以辨時本之誤也其後

士喪禮乃札載又曰札者士虞禮札者特牲饋食乃

札有司札羊札豕魚字皆從木至少牢饋食長札古

文作匕鄭氏亦改為札從釋文

齊。經曰皆振祭齊肝按釋文云齊才計反齊齊古通

用此從口者後人加之爾從釋文

迺撤。經曰乃徹于房中按釋文云迺撤劉直列反陸

氏之作釋文或以其字誤而釋之若撤之類是也儀禮十七篇未嘗音徹字至有司徹之徹始有音亦以或本作撤故耳此之有音非辨誤歟二字從釋文

覲。注曰孟子曰將見良人之所之按釋文云將覲劉古徧反今本亦作見見今本則覲古本也且與今孟子合從釋文

段。經曰受筭股脩升按釋文曰段脩丁亂反本又作股從釋文

餒。注曰不餒敗按釋文云餒奴罪反從釋文按此條當舉餒

字表于上又所引釋文當作餒今並訛而為餒遂不可通釋文近刻亦訛作餒考之說文餒飢也从食委聲一曰魚敗曰餒說文別無餒字唐張參五經文字云餒奴罪反飢也經典相承別作餒為飢餒字以此字為餒餉之餒字書無文五經文字此辨甚明餒字出于後人所別作然則宜改正從餒可知

道婦。注曰勉帥婦道以敬其為先妣之嗣按釋文上帥道之注云下帥道同謂此句也此句當曰勉帥道

婦從釋文

概。經曰某之子未得灌溉于祭祀按釋文云概古代反少牢饋食概鼎匕俎概甌靡匕與敦概豆籩勺爵觚觶字皆作概從釋文

不。經曰某得以爲昏姻之故不敢固辭敢不從按五代廣順中監本同至顯德中吉觀國所校監本乃曰敢從中無不字或曰歲久版脫之也從廣順本

士相見禮誤字

贊。此卷贊字經注總四十有四皆從手按釋文云贊

本又作摯音同其從手者必非陸氏所釋本今改從

貝至庶人之摯鶩釋文本從手竝從釋文

也。注曰固以請也按疏無也字從疏

之以索。注曰維謂繫聯其足按釋文云以索悉各反

注同今注無以索字經曰飾之以布維之以索注舉

飾之以布全句釋之至下句不應獨曰維此必今本

脫去之以索三字今增入從釋文

從。注曰羔取其後帥按監本後作從疏引注文亦作

從至其下釋乃云凡羔羊皆有引帥若卿之後君之

命者也按羔羊下今注疏本有羣字此釋亦誤以從爲後後字近

從傳寫誤也從監本

辨。注曰具猶辨也按釋文云辨皮莧反特牲饋食注

亦曰具猶辨也從釋文按說文無辨字徐氏新附始有之古字辨通用辨考工記

以辨民器鄭注云辨猶具也釋文亦作辨云皮莧反
具也然則儀禮音義作辨者乃後人所改非陸氏之
舊此據以收注于攷古殊疎宋婁機班馬字類引史
記秦始皇本紀倚辨于上項羽本紀項梁常為主辨
今史記辨亦作辨皆後人不
識古字憑臆妄改以就其謬

鄉飲酒誤字

嫺。注曰孝友睦姻任恤按周禮姻作嫺鄭氏引經多

用古字若玉藻視朔視朝鄭氏引作眡周頌於穆清

廟鄭氏引作廡于此必不改嫺為姻從周禮

陳。注曰當陳掛監巾箱杭本陳皆作楣自嚴本以後

始正作陳疏引爾雅陳堂塗也從嚴本

曰。注曰事同曰讓事異曰辭監及巾箱杭本曰作日

從嚴本

壹。注曰古文一作壹按經云壹揖壹讓升壹字當在

上從經

正。注曰疑正立自定之貌獨監本正作止鄉射注曰

疑止也諸本皆同按士昏禮注曰疑正立自定之貌

公食大夫注曰疑正立也傳寫者誤以二正為止竝

從士昏及公食大夫禮

小。注曰少退少辟鄉射經曰主人少退注曰少退猶

少辟也經又曰賓少退注曰少退少遂遁也按釋文少辟少遂遁皆作小蓋鄭氏以小釋少言此少退之少與少牢少長之少字同而義不同今釋文見者皆去聲不見者皆上聲此注少改作小從釋文

設○注曰可則傲也大射燕禮同此蓋引詩是則是傲也故好事者皆改爲傲按釋文云設戶孝反本又作傲大射云設戶教反亦作傲燕禮云傲戶教反本又作設是必古文設傲通用宜各從其故從釋文

宴○注曰與之燕樂也按釋文燕作宴從釋文

葦○注曰葛葦按釋文葛葦大南反五經文字云詩葛葦亦作葦九經字樣云葛葦經典或作葦今不作葦非古也後燕禮同從釋文

盥○經曰執觶與盥洗北面按原本缺○按承樂大典此處注原本缺三字今致下文乃引賈氏疏語蓋脫一疏字耳曰鄉射大射禮皆直云取觶洗南面反奠于其所不云盥此俗本有盥者誤今去盥字從疏

復○注曰拜賓服自屈辱也按釋文復扶又反近湖北本作腹訛益甚

復。注曰先戒而又宿戒按釋文復字注曰而復同此

又必復字也從釋文

楫

○注曰也。按永樂大典此處注一缺字蓋原本本缺也。改之注云云。楫猶職也。鄉射禮曰祭半職

釋文尺有二寸釋文云職音職本亦作楫是書多從釋文本字不從別字如今本釋文職為木字楫為別字無庸舉楫字以改注矣。似張氏所見釋文書本乃楫音職本亦作職故改注中職字從之耳。說文無職字

鄉射禮誤字

按此篇散見永樂大典射字後今缺改前士冠禮引鄉射注搢插也從釋

文改插為捷士昏禮引鄉射尊綌從釋文改暴為鼎鄉飲酒禮引鄉射疑止也從士昏及公食大夫禮改正為正又引鄉射注少辟少透遁竝從釋文改少為小又鄉飲酒注挺猶職也

燕禮誤字

改職從楫則鄉射記五職祭半職職長尺有二寸及注內職字凡三見皆改從楫可知

路。注曰寢露寢按疏露作路後記之注亦作路從疏

鼎

○經曰暴用綌若

按此下原本缺改之經文暴用綌

經及注兩暴字張氏竝改從鼎前士昏禮給暴加勺微尊暴及鄉飲酒鄉射綌暴從釋文改暴為鼎燕禮釋文雖無鼎字蓋據士昏鄉飲酒鄉射釋文訂正又篇內執暴舉暴反暴微暴之屬皆改從鼎可推而知其誤辨詳士昏禮鼎字下

大。注曰宰夫大宰之屬巾箱杭本大作人從監巖本

壹

○注曰所謂

缺。按此原本缺也。改之注文云記所謂一張一弛者是之類歟釋文一作壹

張氏蓋
從釋文

宴。注曰鹿鳴君與臣下及四方之賓宴又曰宴歡在

于飲酒成其意按監本宴竝作宴從監本按此條殊謬說文宴

乃筆畫偶舛張氏從之疎矣

宴。注曰與之宴之宴樂也宴字不誤說詳上條張氏

亦改從監本

饗。注曰主國君鄉時親進醴缺。按此原本缺也攷

親進醴于賓今燕又宜獻焉釋文云饗許兩反或作

鄉非張氏蓋從釋文攷鄉為饗又案疏云主國君鄉

時親進醴于賓者謂行聘享訖禮賓之時君親酌醴

進于賓又云饗禮亡無以引證食禮又無酒禮所獻

之事故不言而云鄉時也據賈疏辨論甚明注

文當作鄉不作饗釋文誤也張氏從之疎矣

禡。經曰袒朱襦按釋文云禡如朱反從釋文按說文

需聲無作禡者釋文此字乃隋唐間俗體

張氏不能援古訂正轉攷是從非疎矣

大射儀誤字按此篇亦散見永樂大典射字後今

釋文攷拔為捷鄉飲酒禮引大射

注可則攷也從釋文攷攷作說

聘禮誤字

大。注曰諸侯謂司徒為宰又曰宰夫宰之屬也按釋

文云大宰音泰下放此自宰命司馬而下皆不見大

字古者天子有大宰諸侯則以司徒兼之竊疑注司

徒為宰之句合稱大宰又燕禮注曰宰夫大宰之屬
 大射注曰宰夫豕宰之屬公食大夫注曰甸人豕宰
 之屬又曰司宮大宰之屬彼不兼大則兼豕此不應
 獨稱宰之屬故又疑注宰之屬也之句亦有大字餘
 無據者不敢增獨增二大從釋文

妃。注曰天地配合之象也按釋文云妃音配從釋文
 筭。經曰司馬執策立于其後按釋文云筭音策儀禮
 謂蒼為筭士冠禮筮人執筭喪禮贛藏筭之器者是
 也謂筭為筭此司馬執策既夕禮御者執筭特牲饋

食禮北面以筭動作豕者是也至此篇之筭祝策簡

既夕禮之書于策則策也今本以筭筭亦為策其誤

明矣從釋文

按說文無筭字策即策之俗體說文云策馬筭也从竹束聲五經文字云策禮

記作筭釋文以為龜策字久訛今不敢輒改謂策久訛作筭是也張氏淳不知筭筭龜策並策之訛轉以作策者為誤而改是從非于六書之學疎矣

一。經曰未入竟壹肆按釋文云一律從釋文

幾。注曰以譏異服按釋文云幾音機本亦作譏從釋文

與。注曰其有來者中箱杭本同監本無一者字按

釋文云者與音餘蓋傳寫者誤以與字作者爾監本以其重複遂去其一尤非也從釋文

簠。經曰竹簠方按釋文云簠音甫劉音蒲本或作簠

外圓內方曰簠內圓外方曰簠釋文明著內外方圓

之制蓋辨或本之誤也鄭氏注曰以竹為之狀如簠

而方若取鄭注易簠以簠字讀之簠義甚明鄭氏固

作簠字解矣今諸本猶從或本惑之甚也從釋文

鉞。此卷經注鉞字凡六其二作鉞其四作鉞按釋文

云鉞音刑不及鉞字必皆鉞也從釋文按說文鉞器也鉞似鐘而

頸長儀禮釗字公食大夫籥注云萊和羹之器不釗作鉞明矣五經文字云釗鉞並音刑上祭器下樂器

禮記或通用下字為祭器明鉞字雖可通用究以作釗為正張氏淳盡改釗從鉞據說文斷之其于字之

殊疎

辨。注曰俟辨也釋文云辨蒲莧反辨具之辨監杭本

作辨誤也從釋文按古字辨通用辨此條之誤與前士相見禮注改辨從辨同

彛。注曰賈人鄉入陳幣東面俟按釋文云彛許亮反

下同前釋南鄉云下以意求之以二音攷之對鄉之

鄉從鄉彛彛之彛加日此彛鄉之彛也宜加日後鄉

公鄉將鄉時鄉以皆同從釋文

禴。注曰凡禴禘者釋文云禴音但獨監本以禴為禮
從釋文及諸本

有。注曰若有所問也監本無有字從諸本

凡。注曰凡賓左几按疏上几作凡從疏

一一。注曰嫌擯者一一授之監杭本以一為二從

中箱嚴本

腥。注曰有腊者所以優賓按疏腊作腥經曰腥二牢

鼎二七無鮮魚鮮腊今注作有腊傳寫誤也從疏

束。注曰豕束之按疏云豕束縛其足亦北首經云牛

以西羊豕豕以西牛羊豕則豕在羊西言東非也束

字誤作東爾從疏

央。注曰中夫之西杭本以夫為失按監本作央從監

本

縛。注曰今之縛也按釋文云縛劉音須一本作縛從

釋文按周禮內司服鄭注云素沙者今之白縛也今世有沙穀者名出于此釋文云劉音須聲類以

為今作網字此處釋文獨作縛乃縉字俗體又作劉音須縉固須音然與周禮音義劉音縉相刺謬

矣以聲類證之音縉是也須乃縉之訛以周禮證之此注作縛是也釋文訛而為縛張氏淳不能訂正釋

文之訛轉據以改注疎矣

侯。注曰凡君有事于諸侯臣之家按疏無侯字從疏
已。注曰明已受賜大小無不識監本已作已從諸本
已。注曰明去而宜有已也按疏云賓去禮宜有已已
當為已從疏

遂。注曰鄭伯惡其大夫高克使之將兵逐而不納此
蓋請而不得入按監本逐作遂鄭伯于高克不召使
歸而已非逐也遂者謂遂其將兵之事而終不召也
于義為得從監本

於。注曰主于闡按釋文云於闡從釋文

已。注曰以已至朝監本已作已從監本

版。注曰方板也按釋文云版音板從釋文按方板之板承樂大

典原本作版今據釋文改正

其。注曰少退別其處按釋文別于之注云別處同別
處謂此也無其字從釋文

跋。注曰較涉山川按釋文釋經釋較之注云注跋涉
音同此較蓋跋字也從釋文

賈。經曰又齋皮馬注曰齋猶付也又曰馬云齋按釋
文云賈子兮反注同九經字樣云齋持遺也作賈者

訛見周禮竊意作字樣者見周禮而忘儀禮今攷聘禮一篇經注言齋凡二一日使衆官具幣及所宜齋二日遂見問幾月之資注曰資行用也古文資作齋二齋文義皆資也無持遺意故其字從齋至于資也鄭氏皆為付不與齋同義訓既別豈得通用况釋文齋資兩出必非一義從釋文按說文齋持遺也从貝齊聲俗體作齋又訛而為齋古字資亦通用齋此注齋猶付即持遺意乃齋字本義張氏于六書之學未嘗講求故往往不辨俗體而改是從非專就釋文字畫用為據證其亦昧于本矣

辭○經曰辭曰非禮也敢對曰非禮也敢辭按注云辭

不受對答問也二者皆卒曰敢言不敢又按疏云辭謂賓辭主人答謂賓答主人介則在旁曰非禮也敢以注及疏文義攷之下羨一辭字審矣又竊疑注辭不受也之句上更有一辭字傳寫者誤以注文作經文今減經以還注減經從注疏

贊○經曰又見之以其摯按釋文作贊從釋文

窮○注曰鞠躬如也經同按釋文云鞠躬劉音弓木亦作躬爾雅云鞠躬窮也鞠躬蓋複語自論語作鞠躬學者遂不復致思于其間安知非鞠躬若踧踏之謂

者乎如是則劉音亦誤矣從釋文

豚。注曰舉足則志趨卷遯而行也按釋文云豚大本

反從釋文

按此注卷豚而行即玉藻所云圈豚行是也

也。注曰舒鴈鵠按釋文云鵠也從釋文

公食大夫禮誤字

為。注曰問所以來事按釋文云以為于偽反今本于

以字下脫一為字從釋文

鼎。經曰士舉鼎去冪于外按釋文冪作冪初改儀禮

者尊冪則從冪至于此鼎冪亦為冪是冪也以冪為

之若束若編必不從巾也從釋文

也。注曰其故處按釋文下有也字從釋文

言。注曰不言紵錯俎尊按釋文云不紵中無言字從

釋文

鉞。經云宰夫設鉞四于豆西按釋文云設鉞音刑經

又曰鉞芼釋文亦作鉞此篇鉞字在經有因在注有

二釋文釋其前設鉞作鉞寫其後鉞芼又作鉞其開

二經三注之鉞但不復釋及無因而見爾必不從鉞

也悉改作鉞從釋文

燕禮。注曰燕禮記曰凡奠者于左疏云燕禮無此文鄉飲酒鄉射記皆云此必傳寫者誤予竊疑以為凡飲酒皆燕也今之奠觶蓋鄉飲酒鄉射中之燕禮爾姑從注

內。注曰內則謂鮪為膾按監本肉作內從監本

西。注曰北面于階上按疏云西階上從疏

作。注曰皆為莞按釋文云作莞從釋文

也。注曰已有鹹和按釋文云和也從釋文

儀禮識誤卷一

儀禮識誤卷二

宋

張

淳

撰

覲禮誤字

曰。注曰小行人職曰按監本日作曰從監本

已。注曰上介出止使者則已布席也按杭本已作已

從杭本

卿。注曰大夫者卿為訝者也監巾箱杭本卿皆作鄉

按釋文云作鄉者非從釋文嚴本

之。注曰不敢由賓客位也按監本容作之從監本

者。注曰卑者見尊按釋文見侯注云卑見同卑見謂此也中無者字從釋文

至。注曰王不使人受馬者主于享王之尊益君侯氏之卑益臣按疏云王猶親受其玉今至于三享貢國所有行供奉之節故使自執其馬王不使人受之于庭者是王之尊益君侯氏之卑益臣故也詳其義主字當作至從疏

宮。注曰宮謂壘土爲埒按諸本官皆作宮從諸本

王。注曰王官之伯帥之耳吉觀國所校監本改王爲

曰未知孰據篇末之注有是王官之伯會諸侯而盟

從諸本

旂。經曰天子乘龍載大旂按諸本旂作旂從諸本

喪服誤字

扼。注曰搗扼也按釋文扼作扼從釋文

嫡。注曰不言適子按釋文云言嫡本又作適至後適

子注云後除適人之類可以意求之則自經文適子

後始用適字爾從釋文

於。注曰別然男子也按監本然作於從監本

關。注曰言在室者謂已許嫁按監巾箱杭本謂作關
疏云關通也通已許嫁從諸本及疏

慘。注曰如著慘頭焉監本慘按此下有脫文當從諸

本按燥作梟得聲不從參俗體往往訛溷張氏以慘為正亦由不知六書諧聲之義

曰。注曰凡女行于大夫以上日嫁按諸本日作曰從
諸本

咸。注曰始祖者感神靈而生按監本感作咸從監本

契。注曰若稷契也按釋文作契五經文字云作契訛

釋文必有據從釋文按契從天俗體訛作契五經文字駁正之是也此書專主釋文

于字義殊疎

子。經曰女女子適人者為其父母期按前章云女子

子適人者為其父母此經下女字當作子從前章

圻。注曰天子畿內之民按釋文云圻巨衣反本又作

畿從釋文

媯。經曰是媯亦可謂之母乎按釋文云媯本亦作媯

從釋文

餽。注曰媯猶餽也按釋文餽作餽素口反從釋文

見。注曰當言其以明之又曰足以明之矣按釋文見

恩注云下以見同下無以見字必是誤作以明也從

釋文

復。注曰不得祖公子又曰不得祀別子按釋文云不復扶又反復謂此二句得字誤也不得者禁止之辭也公子禰先君公孫祖諸侯于禮為僭禁之可也其曰不得禰不得祖宜也若公子之子孫有封為國君者則後世不祖公子人情然也何用禁為不復云者蓋既祖此則不再祖彼焉爾經于上禰先君祖諸侯皆云不得于下止言不祖義可見矣今改二句之得

為復從釋文

尊。注曰治其縷如小功而成布尊四升半又曰以服至也按疏上句多一尊字下句少一尊字後記纒衰之注云不敢以兄弟之服服至尊也與疏下句之義合並從疏

丈。注曰此主謂大夫之為殯者服也按疏大作丈從疏。

庶。注曰公之昆弟不言庶者此無服無所見也按疏云若為母則兼云庶以其適母適庶之子皆同服妾

子為母見厭不申今此經不為母服為昆弟以下長
殤竝同故不言庶也攷疏之義無蓋庶字也從疏

馮。注曰異為孺子室于宮中按釋文孺作馮從釋文

按馮乃孺之俗體訛舛不成字張氏從之非也

屍。注曰將亡失尸柩也按釋文尸作屍從釋文

斂。注曰其奠如大奠按釋文奠作斂力驗反從釋文

弁。注曰士雖當事皮錫衰而已按監本云皮弁錫衰

從監本

士喪禮誤字

庸。注曰疾時處北墉下按釋文云庸如字墉也本亦

作墉從釋文

篚。經曰受用篚按釋文云篚方鬼反本或作篚從釋

文

渙。注曰槃承渙濯監本渙誤作灑按釋文云渙奴亂

反從釋文及諸本

於。注曰將縣重者也按釋文釋前重字注云於重同

則此重字上有於字從釋文

反。注曰及其巾而已按疏及作反從疏

中。注曰又還結于項巾按監杭本巾作中從監杭本指。注曰今不挈也按釋文云挈指從釋文

釋澤。注曰今文澤爲也按杭本云澤爲澤從杭本

黻。注曰大夫元冒黻殺按監杭本黻作黻巾箱嚴本之爲黻其以禮記喪大記之文乎禮器曰君黻大夫黻喪大記之文蓋誤也從監杭本

之。注曰黑衣裳赤緣謂之祿按釋文云緣之則緣下有之字從釋文

璆。注曰天子以球玉按釋文球作璆從釋文

瑀。注曰天子搢瑀監本瑀作瑀按釋文云瑀他頂反

本又作瑀從釋文

紃。經曰皆纒緇紃純按釋文云緇純中無紃字鄭氏

注周禮屨人全引此文亦無紃字鄭氏又云言纒必有紃純言紃亦有纒純今之有紃字後入加之也從

釋文

此。注曰比皮弁之屨按監杭本比作此從監杭本

貝。注曰皆者皆具以下按上文云貝三蓋自貝三以下皆饌于西序傳寫者誤以貝爲具後經曰受具按

諸本亦作貝從上文及諸本

也。注曰復于筐處按釋文下有也字從釋文

程。注曰象平生沐浴倮程按監本及釋文程作程既

夕禮謂其倮程按監本亦作程並從監本及釋文

也。注曰送終之禮按疏下有也字從疏

在。注曰不在數明衣按釋文云不數中無在字從釋

文

之。注曰決以韋為之藉按釋文云為藉中無之字從

釋文

識

○注曰統被也按釋文云缺按識字上永樂大典注云缺據釋文云被

節蓋脫申志反統被之識也所以識前後也無識字

則句不成文從釋文

襴。注曰袍繭之屬按釋文作襴從釋文

變。注曰又將初喪服也按監本喪作變從監本

之。注曰如今之著轡頭矣按釋文云今著中無之字

從釋文按此條永樂大典誤分為二脫按釋文三

朐。注曰今文朐朐為迫按監本無一朐字從監本

胝。注曰胝皆為胝按釋文胝作胝從釋文

坊。注曰禮防其以死傷生按釋文云坊音房本亦作

防從釋文

大。注曰燎火燹按釋文云大燹從釋文

楯。注曰君殯用輶按釋文云用楯勑倫反此必後人

因禮記之文改從車爾既夕禮注謂之楯同從釋文

軸。注曰軛軹軸也按監杭本軛作軸從監杭本

七。注曰謂豚體及上俎之陳按監杭本上作七從監

杭本

斂。經曰君若有賜焉則視劔按監本劔作斂注云斂

大斂從注及監本

彌。注曰巫掌招弭按釋文云彌亡婢反又作弭從釋

文

當。注曰常筵位按監本常作當從監本

中。注曰中央壤也監本中誤作申從諸本

挈。注曰掌其燹坎按釋文云挈本又作契從釋文

擇。經曰卜宅如初儀按上文有云筮擇如初儀此卜

日爾非卜宅也擇宅音同故誤從上文

既夕禮誤字

俛。經曰夷牀饌于階間按釋文云俛音夷本亦作夷
從釋文

正。注曰朝正柩用此牀按釋文云朝柩中無正字從
釋文

蒸。注曰燭用蒸按釋文云蒸之承反薪也從釋文

蒙。注曰此不象如初者按疏象作蒙從疏

程軸。注曰穿程前後著金而關軹焉按疏程作程軹
作軸監本亦作軸從疏及監本

策。經曰御者執策立于馬後特牲饋食禮注曰北面

以策動作豕按釋文策作策並從釋文

御。注曰抗禦也所以禦止土者按釋文云御也魚呂

反亦作禦下同從釋文

甕。經曰甕三按釋文甕從瓦從釋文

筭。經曰杖筭筭注曰筭扇按釋文云筭所甲反扇也
此非牆筭之筭故從竹從釋文

祖。注曰爲將袒變按疏袒作祖從疏

北。注曰參分庭之此按監杭本此作北從監杭本
也。注曰離揜按釋文下有也字從釋文

祝。注曰君容祝按釋文云祝尺六反從釋文

丈。經曰婦人入大夫踊按監本大作丈從監本

也。注曰不忍一日離按釋文下有也字從釋文

諦。經曰主人啼按釋文云諦大兮反從釋文按嗜說文作曉

若諦于義絕遠當是說外不可從

輓。經曰輓貌如輓按釋文輓作輓從釋文

也。注曰盞水便按釋文下有也字從釋文

禪。注曰若今之禪襴按釋文禪作禪首昆從釋文

夕。注曰為少進醴酒按疏少作夕從疏

橐。注曰苦編橐按釋文橐字無廿與後橐車同從釋

文

幕。注曰古文幣為幕按釋文幕作幕音莫從釋文

末。經曰垂末內鬣按監巾箱杭本未作末從諸本

中。注曰室東南隅謂之交按疏室下有中字少牢饋

食缺。按承樂大典注云缺今攷少牢饋食注曰室中西南隅謂之奧當是引此句以證室下有中字

耳

為。注曰軼或作拱按監本云為拱從監本

翫。注曰玩好日贈按釋文缺。按承樂大典注云翫今攷釋文云翫好當

是引以證玩從釋文作翫其日字之誤當引韋昭國語注云送之以物日贈以飲食日餞為證

為柴。注曰今文柀作柴按釋文云為柴從釋文

文

矢。經曰獮矢一乘按釋文獮字上更有一矢字從釋

文

釋文

士虞禮誤字

作。注曰今文局為鉉按釋文云作鉉從釋文

擗。注曰如今環衣也按釋文云擗音宣手發衣曰擗

又作擗音患從釋文

言隳。注曰墮之猶言墮下也按釋文云猶隳則言字

當在猶字上墮下之墮當作隳今本以墮解墮其誤

不待辨從釋文

按墮古通用隋則禮守祧之文可證即儀禮中亦皆作隋故注以墮解之若隳乃墮之俗體耳注文當作隋之言猶墮張氏不知上墮字與經並應為隋而改下墮字以從俗疎矣

間。注曰飯間啗肉安食氣按監巾箱杭本間作門從

諸本

右。注曰凡在南變古文按疏云上文設几席于室中

東面右几今云几在南明其同必變文者按少牢大夫禮亦几在南此言右几嫌與大夫同此疏之言也予以爲鄭氏稱作經者變上右几之文而已未必及大夫也若以是爲嫌上文何獨不嫌也然古必作右從疏

諸。注曰或者遠人乎按疏者作諸特牲饋食禮注亦曰或諸遠人乎從疏

爲。注曰今文或作苜按釋文云爲苜從釋文

記。注曰記異者之節監巾箱杭本記作既按疏與嚴

本同從疏嚴本

令。注曰令正者自相亞也監本令誤作今從諸本

日。注曰卒哭日成事按檀弓日作曰此引檀弓文也

從檀弓

旦。注曰尸且將始耐于皇祖按疏且作旦其辭曰是明日之旦也從疏

揃。經曰沐浴櫛搔鬣按釋文云揃子淺反注鬣同旣曰注鬣同則鬣非經文也又注云揃或爲鬣此揃必指經也從釋文

古。注曰古文常為祥監本古誤作吉從諸本

道。注曰古文禪或為導按釋文前道之注云為道同

此導當作道從釋文

特性饋食禮誤字

為。注曰闕作蹙按釋文曰為蹙從釋文

曰。注曰士祭曰歲事監本日誤作日從諸本

輿。注曰如今大木輿矣按釋文云木輿從釋文

鉞。經曰豆籩銅在東房按釋文云鉞音刑其後銅莖

亦寫作鉞則此篇之銅皆鉞也從釋文

室。注曰西夾室之前近南耳按疏無室字此篇未注

云東堂東夾之前聘禮經曰西夾亦如之公食大夫

立于東夾南注曰箱東夾之前覲禮注曰東箱東夾

之前士喪禮注曰襲經于序東東夾前亦不帶室字

從疏

蒙。注曰不象如初者按疏象字于既夕禮作蒙從既

夕禮

曰。注曰謂明日質明時而日肉孰按監本而日作曰

從監本

于○注曰齊于坵按釋文云齊坵中無于字從釋文
概○注曰漑之釜鬻按釋文漑作概古愛反從釋文
此○注曰比衣染之以黑按諸本比作此從諸本
道○注曰宗人則執畢導之按釋文導作道下文注所
以導食通氣及前猶導也同從釋文

七○注曰臨七載監本七誤作上從諸本

未○注曰主人未執事監本未誤作求從諸本

枋○注曰加七東柄按釋文柄作枋從釋文

鉞○經曰及兩鉞芼監本云及兩鉞鉞芼多一鉞字從

諸本

疆○注曰饗勸強之也按釋文強作疆從釋文

圭○注曰圭爲孝薦之按監本主作圭從監本

于○經曰右取菹換于醢按釋文云換醢中無于字從

釋文

隋○注曰士虞禮古文曰祝命佐食墮祭周禮曰既祭

則藏其墮按釋文釋按祭云音墮後隋祭按祭皆放

此後少牢饋食禮經曰墮祭爾敦按釋文亦作隋許

規反下同注又曰按讀爲墮按釋文音緩字注云隋

亦放此有司注曰按讀爲藏其墮之墮按釋文音綏字注云并注接及墮皆許恚反後放此然則三篇之墮皆墮字也與周禮守祧之文合至于士虞禮之墮祭與舉周禮之文釋文于彼自作墮並從釋文

芬○注曰祭酒穀味之芳芳者按監本作芬芳從監本

大○注曰大羹滫自門入中箱本大誤作六從諸本

菹○注曰肺脊初在俎豆按疏作菹豆經上文云尸實舉于菹豆注云舉謂肺脊今自菹豆加于胙俎也從

疏

安○經曰佐食授授祭按注云安亦當爲按又云今文或皆改安作授則經文授蓋安字也從注

少○注曰季小也按釋文小作少少牢饋食禮季猶小

同從釋文

拜○經曰佐食北面拜受角巾箱本拜誤作和從諸本

豕○注曰豕亦然巾箱本豕誤作家從諸本

祝○經曰獻洗及佐食巾箱杭本洗作況按監本作祝

從監本

復○注曰古文備爲復監巾箱杭本無復字從嚴本

面。經曰降實散于篚主人出立于戶外西南按下文有云上養答拜受爵降實于篚主人出立于戶外西面此南字亦當為面從下文

已。注曰太宗已侍于賓奠監本已誤作已從諸本亦如。經曰酌下養亦如之巾箱亦如誤作交加從諸本

賓。注曰唯實俎有司徹歸之按監本實作賓從監本

鼎。經曰冪用綌按注作鼎從注

辟。經曰饔爨在西壁注曰西壁按釋文云辟步歷反又音壁從釋文

南。經曰內賓立于其北東面西上按監巾箱杭本西作南從諸本

辟。注曰辟大夫妻監本辟誤作臂從諸本

已。注曰為其已甚卑而全之監本已作已從諸本

少牢饋食禮誤字

版。注曰書于板按疏作版從疏

冪。經曰同椀皆有冪按注云今文冪作冪冪指經也

經字必鼎後乃啓二尊之蓋鼎同從注

七。注曰古文柎作七監本七誤作上從諸本

侈。經曰主婦被錫衣移袂按釋文云侈本又作移昌

爾反從釋文

作。注曰今文辯爲徧按釋文云作徧從釋文

直於。經曰置于膚北按釋文云直於音值下注直室

同今改二字從釋文

食。注曰先飲啗之按釋文云先食作飲飯者皆非按原

本脫先字皆字
今據釋文補正

疏亦作食特性饋食注亦曰先食啗

之所以道食通氣從釋文疏

菹。注曰尸授宰幹而實舉于俎豆按疏俎作菹疏于

特牲之肺脊初在俎豆既作菹于此又作菹則此篇

之上文注合祭于俎豆之祭也之俎亦必菹字並從

疏

授。經曰祝酌受尸按經上文祝受尸爵今酌以授尸

作受非也從經

綏。注曰古文墮爲旰按經云上佐食以綏祭墮當爲

綏後注有云綏亦當爲授古文爲旰此綏爲旰之證

也從經

左。經曰主人佐執爵按經前後文執爵皆左此佐當
爲左從經前後文

嘗。經曰主人嘗之納諸內巾箱杭本嘗誤作當從監
嚴本

啐。注曰不啐而卒爵者監本啐誤作卒從諸本

有司徹誤字

汜。注曰汎埽按釋文云汜芳劒反與禮記同從釋文
曰。注曰戒日請子爲侑按疏曰作日從疏

几。注曰几所以坐安體巾箱本几誤作凡從諸本

實。注曰臬實也按釋文無實字從釋文

鉞。注曰辟銅也按釋文劔作鉞從釋文

胙。經曰肩臂肫骼膍按釋文云胙音格又音各本亦
作骼從釋文

所。注曰上所折分者巾箱所誤作析從諸本

受。經曰尸卻手授七枋按經文次序次賓縮執七俎
授尸尸卻手授以祭尸旣祭齎復覆手授賓賓亦覆
手受以降諸本誤以受爲授從經文次序

末。注曰絕肺未以祭按諸本未作末從諸本
共。經曰主人其祭糗脩竊疑其者共字之誤而無據
今攷此篇上文曰尸取饗賁宰夫贊者取白黑以授
尸尸受兼祭于豆祭又曰侑又取饗賁同祭于豆祭
又曰尸祭糗脩同祭于豆祭又曰尸祭糗脩兼祭于
豆祭下文曰主婦又取饗賁兼祭于豆祭又曰尸取
棗糗祝取栗脯以授尸尸兼祭于豆祭夫兼祭同祭
共祭一義也彼得以言兼言同此不得以言共乎今
改其為共從上下文兼同之義

脯。經曰賓坐左執爵右取肺揆于醢祭之執爵與取
肺坐祭之按注云祭脯肺疏曰祭脯肺者按經云取
脯取肺祭之明祭是脯肺今諸本右取脯作肺從注
疏

爵。經云舉觶于其長按注云古文觶皆為爵延烹中
詔校書定作觶此篇洗觶實觶下皆言奠爵實爵受
爵卒爵不復言觶觶皆當作爵從古文

儻。注曰自尸卒爵至此亦與賓同者按疏云經既云
如儻而注復云與儻同者為在上篇而發也實當作

賓從疏

士。注曰變于士也巾箱本土誤作土從諸本

儀禮識誤卷二

儀禮識誤卷三

宋

張

淳

撰

釋文誤字

席。謂禰注云父廟也按監本廟作席上冠禮

由。螭注云又音虫按監本虫作由上冠禮

與。使者注云後使者舉使皆同後經注無舉使字此

舉當作與士昏禮。按今釋文作後使者及注皆同

所見本併使字亦屬外誤舉使當作與注

御餼。勝御注云飯御贊並同監本以飯為餼是已于

上又脫一御字經曰御餽婦餘禮昏

有許。帖嘗注云穀梁未嘗有帖血之盟又曰或楚未

詳按建陽本于穀梁下有有字監本以詳為許禮見禮

大。大師注云大平王王皆同此本以大為王監本去

王字皆誤鄭注有曰昔大王王季今改王王為大王

鄉飲酒禮

宴。樂之注云宴樂同按監本宴作宴禮燕

據。告語注云魚据反按監本据作據禮燕

宰。大僕注云大寄按監本寄作宰禮燕

言。又復注云復云鄭注有曰復言之者云字當作言

禮燕

恭。為其注云為祭同按鄭注曰欲以臣禮燕為恭敬

也此祭當作恭禮燕

夫。文辯按經云大夫辯受剛此文當作夫後大射亦

作夫辯禮燕

迴。下賢注云延嫁反按監本延作迴禮燕

樵也。其次闈人按經樵也在闈人下禮燕

皮。醜注云以支反劉書支反按監本以支字當作皮

禮燕

但。青豕五旦反按監本旦為但

道帥。道入注云下逆道賓道帥道放此按鄭注有曰

衆介逆道賓而出也又曰亦道賓之義也又曰大夫

先升道賓今諸本誤以道賓為賓道監本又誤以帥

為帥

感。醯醢他惑反按監本惑作感

為。為拜注云君為酢為之為皆同按鄭注有曰為君

之答已也又曰為酢主人也又曰喪禮殺為之不備

當曰為君為酢為之皆同聘禮

計。作計音赴監本計作仆皆誤當作計聘禮

饗食。公食注云食饗當作饗食公食大夫禮

苦。若茶按監本若作苦公食大夫禮

作傳。作傳其次俠門按經作傳在俠門下覲禮

闕。問寺按監本云闕寺喪服

餘。者與音預監本預作餘注曰然則女君有以尊降

其父母者與當作餘喪服

也。盛米注云盛笙同下無盛笙字有曰殷盛也笙家

當也或曰殷盛之盛去聲也按籩豆具有巾盛之

也釋文亦音成與此同爾

土喪禮

幹○用幹舉琴反按監本幹作幹

土喪禮

晚○輓而音挽按監本挽作晚

土喪禮

七○釋采士代反按監本土作七

土喪禮

才○兄弟從注云下用反按監本下作才

特牲饋食禮

辦○猶辨辨作辦

特牲饋食禮

注○啓會注云下主于會同按監本主作注

特牲饋食禮

蝦○聽蝦古雅反受福曰蝦蝦長也按監本蝦作蝦少

牢饋食受蝦同

特牲饋食禮

敷○作激注云劉本作微音敷敷必敷字之誤也

特牲饋食禮

禮

孕○甌甌子盈反按監本盈作孕

少牢饋食禮

申○挽手由銳反按監本由作申

彫○曉呼報反監本報作彫

淳于經注兼辨監本巾箱本之誤今至釋文乃

獨不然非敢略也懼其煩而已此本之及作乃

且作且土作土文作文之類改而正之爾亦不

儀禮識誤卷三
復辯

儀禮識誤卷三

臣等謹按韻排大典披沙尚有遺金

敕選殘編入冊無非積玉彙萬種而先雕梨棗允羅散
帙之精建一議而特異泥鉛爰

錫聚珍之號天下文章在此古今秘奧如斯沾膏馥於
藝林幸獲書探四庫廣風聲於寰宇還期家擁百

城幣

皇帝化傳雲章

恩頒瓊籍牙籤鑄密東南五省之榮細軸流傳文獻三
異之幸用敬鑄於匠氏乍登新砌旋恭而於儒流

儼陳古鼎音分今合還廬山面目之真後得先迷
想赤水離朱之幻

聖學恢如滄海獨漚源流文光藹遍南天羣羅星斗從
此靈威舊洞無須求蝌蚪奇書并教文選名樓不
得擅琳瑯古藻臣等校讎竊預涯涘未窺簡末署
名曷勝榮幸兩江總督臣薩載江蘇巡撫臣闕鶚元
安徽巡撫臣書麟江蘇學政臣謝墉安徽學政臣
葉觀國江寧布政使臣劉墉蘇州布政使臣李慶棠
安徽布政使臣陳步瀛江蘇按察使臣覺羅琅玕安

徽按察使臣福寧同拜手稽首恭紀

督刊蘇州府知府臣胡世銓

試用知縣臣郭良義

校字吳縣教諭臣陸鴻繡

承刊蘇州府學生員臣張鵬翥

吳縣學生員臣陳鳳喈

上海縣學生員臣黃炳章

寶山縣學生員臣陸惟賦

